

NAQQIUT

Inatsisissatut siunnersuut 2. marts 2016 ullulernerqartoq taarsissavaa

Peqqut

Naalackersuisut siunnersuutigaat, eqqusuinermi akitsuutit nutaat qaffanneqarnikullu, Inatsisartut inatsisaanni nr. 21, 23. november 2015-imi akuersissutigineqartut (UKA 2015/99), aatsaat 24. november 2015 atortuulersinneqassasut. Tamatuma kinguneratigut, piffissami 20. august-imit 23. november-imit akitsuutit akilerneqarsimasut utertinneqassapput.

Malitsigisaanik allannguutissat oqaaseqaatini ilanngunneqarput.

Uunga siunnersuut: Nioqqutissanik eqqusuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xXx 2016-imeersoq (Erngup puiaasamiittup imigassallu koffeinimik akullit akitsuutaat kiisalu kingumut atortussanngortitsinermik atorunnaarsitsineq.)

§ 1

Nioqqutissanik eqqusuinermi akitsuutit pillugit Inatsisartut inatsisaat nr. 19, 30. oktober 1992-imeersumi, kingullermik Inatsisartut inatsisaat nr. 21, 23. november 2015-imi allanngorneqartumi, ima allannguisoqassaaq:

1. § 1, imm. 1, nr. 4, ima oqaasertalerneqassaaq:

”Nr. 4.

Mineralvandit, sodavandit, limonadet aamma imigassat kulsyrimik akullit, ethanolimik akoqanngitsut, nr. 4a-mut 4b-mullu ilaanngippata, literimut 7 kr. 50 øre”

2. § 1, imm. 1, nr. 4, litra a, kingornagut ilanngunneqarpoq:

”Nr. 4b.

Imigassat ethanolimik akoqanngitsut, koffeinimik literimut 149 mg-imit annerusumik akullit, literimut 15 kr. 00 øre”

3. § 1, imm. 1, nr. 4, litra b-p, nutaap kingornagut ilanngunneqarpoq:

”Nr. 4c.

Imeq literimut 1 kr. 50 øre”

§ 2

Inatsisartut inatsisaat 1. juni 2016-imi atuutilissaaq.

Imm. 2. Nioqqutissanik eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. 21, 23. november 2015-imeersumi § 1, imm. 1, nr. 2, 9, litra c aamma d, aamma nr. 27-imi nioqqutissat taaneqartut eqqunneqarnerinut akitsuut, piffissami 20. august-imit 23. november 2015-imut akitsuuteqartussaasimappata, taakkuninnga eqqussinermi akitsuut atuutissanngilaq.

Imm. 3. Imm. 2-mi taaneqartut akitsuuteqartussaasut akiliisimappata, akileraartarnermut ingerlatsiviup akitsuutit akilerneqarsimasut utertissavai. Akileraartarnermut ingerlatsiviup utertitsinissamut piumasarisinnaavaa, akitsuuteqartussaasup akitsuutinik akiliisimaneranut naatsorsuutit akiliutillu uppernarsaataanik takutitsinissaa. Aningaasat utertinneqartut ernialersorneqassanngillat.

Namminersorlutik Oqartussat, ulloq xx. xxxx 2016

Kim Kielsen